

**Dirección Xeral de Educación, Formación Profesional e Innovación Educativa**  
**Admisión a ciclos formativos de formación profesional 2020-2021**

## Información importante. Cursos de especialización de FP

### 1. Requisitos de acceso

Estar en posesión dalgunha das titulacións de formación profesional establecidas na normativa que dean acceso a cada curso de especialización.

### 2. Documentación

A solicitude de admisión deberá ir acompañada da seguinte documentación:

- Copia do pasaporte ou do documento de identificación da Unión Europea, cando non se dispoña de DNI ou NIE.
- Certificación académica da titulación de formación profesional requirida para o acceso.
- Para persoas que teñan recoñecida unha discapacidade, documento de acreditación de tal condición, no caso de que non fora recoñecida en Galicia ou cando a persoa solicitante non autorice a súa consulta.
- Para deportistas de alto rendemento, documento de acreditación da condición de deportista de alto rendemento.

### 3. Presentación da solicitude

Deberase cubrir **unha única solicitude na que se poderá optar a dous cursos de especialización como máximo**, utilizando o formulario, que se entregará preferentemente no centro de primeira opción onde se oferte o curso de especialización para o que solicita admisión ou en calquera centro de Galicia con oferta de cursos de especialización sostida con fondos públicos.

### 4. Adxudicación de praza

As prazas adxudicadas publícanse nas listaxes de adxudicación. As persoas con praza adxudicada poden:

- **Matricularse:** deberase facer no **centro adxudicado e nos prazos establecidos**. Estar matriculado en ESO, bacharelato ou FP

**Estar matriculado/a en ESO, bacharelato ou FP (incluída a FCT) ou ter unha praza adxudicada de FP dual ou dun curso de especialización de FP, implica a exclusión dos procesos de admisión a ciclos formativos.**

(incluída a FCT), ou ter unha praza adxudicada de FP dual ou dun curso de especialización de FP implica a exclusión dos procesos de admisión a ciclos formativos.

- **Renunciar á praza:** deberase facer, **nos prazos establecidos, no centro adxudicado**. A renuncia afectará á praza que lle foi adxudicada. Seguirase no proceso de adxudicación para o curso de especialización anterior á praza que se renuncia.
- **Non matricularse nin renunciar:** as persoas que non se matriculen nin renuncien a prazas adxudicadas no curso de especialización **quedarán excluídas de todos os procesos de admisión de formación profesional**.

### 5. Distribución de prazas por curso

Distribución das prazas dispoñibles para cada curso de especialización ao comezo do proceso de admisión:

Cota xeral 90%
Cota do 10% para persoas con discapacidade
Cota do 5% a maiores para deportistas de alto rendemento

### 6. Participación noutros procesos de admisión de FP

As persoas que participen no procedemento de admisión e matrícula para os cursos de especialización tamén poderán realizar a solicitude de admisión a ciclos formativos e a FP dual.

**As persoas admitidas (seleccionadas) para un curso de especialización quedarán excluídas do proceso de admisión a ciclos formativos no réxime ordinario, no réxime para as persoas adultas e en FP dual.**

No caso de non seren admitidas (seleccionadas) en ningún curso de especialización poderán continuar no proceso de admisión xeral a ciclos formativos.

#### Período ordinario de admisión

Presentación de solicitudes	25 de xuño ás 9.00 ao 8 de xullo ás 13:00 horas
Publicación da listaxe provisional de solicitudes	10 de xullo
Reclamación á listaxe provisional	10 ás 9.00 ao 14 de xullo ás 13:00 horas
Publicación da listaxe definitiva de solicitudes	17 de xullo
Publicación da adxudicación de prazas	17 de xullo
Matriculación das persoas admitidas	17 ás 9.00 ao 27 de xullo ás 13:00 horas
Adxudicación continuada (chamamento)	Do 28 ata o 31 de xullo Do 1 ata o 11 de setembro

**Nota:** lémbrese que as persoas admitidas (seleccionadas) nun curso de especialización quedarán excluídas do proceso de admisión a ciclos formativos no réxime ordinario, no réxime para as persoas adultas e en FP dual.



**Dirección Xeral de Educación, Formación Profesional e Innovación Educativa**

# Admisión a cursos de especialización de formación profesional 2020-2021

## Instrucións xerais

## Convocatoria 2020

(Actualizado 23/06/2020)





## Índice

---

1	Introdución.....	3
2	Requisitos de acceso nos cursos de especialización.....	3
3	Distribución das prazas dispoñibles.....	4
4	Criterios de prioridade e criterios de desempate.....	5
5	Prazo de inscrición.....	6
6	Presentación de solicitudes.....	6
7	Documentación complementaria.....	7
8	Información e publicación de listaxes.....	7
9	Prazo ordinario de presentación de solicitudes.....	7
10	Listaxe provisional de solicitudes e reclamacións.....	7
11	Listaxe definitiva de solicitudes.....	8
12	Adxudicación de prazas e matrícula.....	8
13	Liberación de prazas.....	8
14	Remate do procedemento de admisión e matrícula.....	8
15	Número mínimo de solicitudes de matrícula.....	9
16	Acceso mediante titulacións estranxeiras.....	9
17	Normativa relacionada.....	10





## 1 Introducción

O Real decreto 1147/2011, do 29 de xullo, polo que se establece a ordenación xeral da formación profesional do sistema educativo, regula no seu artigo 27 os cursos de especialización de formación profesional e indica os requisitos e as condicións a que deben axustarse os devanditos cursos.

No vindeiro curso 2020-2021 ofertaranse por primeira vez en Galicia cursos de especialización de formación profesional.

Só poderán acceder aos cursos de especialización as persoas que cumpran o requisito de estar en posesión dalgunha das titulacións de grao superior reconecidas para o acceso na normativa que regula cada curso.

## 2 Requisitos de acceso nos cursos de especialización

Para poder solicitar un curso de especialización a persoa solicitante terá que estar en posesión da titulación de grao medio ou de grao superior de formación profesional establecida no real decreto polo que se regula cada curso.

Para os cursos de especialización que se ofertarán en Galicia no próximo curso os títulos que permiten o acceso son os seguintes:

Familia profesional do curso de especialización Código e nome do curso de especialización Duración en horas Centro no que se oferta	Código e nome do ciclo de grao superior que lle dá acceso
<b>Electricidade e electrónica</b>  CSELE51 Ciberseguridade en contornos das tecnoloxías de operación 720 horas CIFP Politécnico de Santiago	CSELE01 Sistemas electrotécnicos e automatizados
	CSELE02 Sistemas de telecomunicacións e informáticos
	CSELE03 Automatización e robótica industrial
	CSELE04 Mantemento electrónico
	CSIMA03 Mecatrónica industrial
<b>Informática e comunicacións</b>  CSIFC50 Ciberseguridade nos contornos das tecnoloxías da información 720 horas CIFP Rodolfo Ucha Piñeiro	CSELE02 Sistemas de telecomunicacións e informáticos
	CSELE04 Mantemento electrónico
	CSIFC01 Administración de sistemas informáticos en rede
	CSIFC02 Desenvolvemento de aplicacións multiplataforma
	CSIFC03 Desenvolvemento de aplicacións web





Familia profesional do curso de especialización Código e nome do curso de especialización Duración en horas Centro no que se oferta	Código e nome do ciclo que dá acceso		
<b>Instalación e mantemento</b>  CSIMA50 Dixitalización do mantemento industrial 600 horas CIFP As Mercedes	CSELE01	Sistemas electrotécnicos e automatizados	
	CSELE03	Automatización e robótica industrial	
	CSELE04	Mantemento electrónico	
	CSFME01	Programación da produción en fabricación mecánica	
	CSFME03	Deseño en fabricación mecánica	
	CSIMA01	Desenvolvemento de proxectos de instalacións térmicas e de fluídos	
	CSIMA02	Mantemento de instalacións térmicas e de fluídos	
	CSIMA03	Mecatrónica industrial	
	CSINA02	Procesos e calidade na industria alimentaria	
	CSQUI02	Química industrial	
<b>Instalación e mantemento</b>  CSIMA51 Fabricación intelixente 600 horas IES Politécnico de Vigo	CSELE01	Sistemas electrotécnicos e automatizados	
	CSELE03	Automatización e robótica industrial	
	CSELE04	Mantemento electrónico	
	CSFME01	Programación da produción en fabricación mecánica	
	CSFME03	Deseño en fabricación mecánica	
	CSIMA03	Mecatrónica industrial	
	<b>Química</b>  CSQUI50 Cultivos celulares 600 horas CIFP A Carballeira	CSQUI01	Laboratorio de análise e de control de calidade
		CSQUI03	Fabricación de produtos farmacéuticos, biotecnolóxicos e afíns
		CSSAN05	Laboratorio clínico e biomédico
		CSSAN06	Anatomía patolóxica e citodiagnóstico

### 3 Distribución das prazas dispoñibles

Cada curso de especialización ofertado para o curso 2020-2021 terá 20 prazas dispoñibles. Para a adxudicación de prazas no proceso de admisión a cursos de especialización establécense tres cotas de reserva:

- Cota xeral co 90% das prazas.
- Cota do 10% das prazas para persoas con discapacidade legalmente recoñecida maior ou igual ao 33% .



- Cota do 5% a maiores para deportistas de alto nivel ou alto rendemento.

As prazas reservadas ás persoas con discapacidade que non resulten cubertas acumularanse á cota xeral. A adxudicación de prazas vacantes poderase realizar desde a primeira adxudicación de prazas.

## 4 Criterios de prioridade e criterios de desempate

Nos centros docentes onde houber suficientes prazas dispoñibles para atender todas as solicitudes presentadas, admitiranse todas as persoas solicitantes que cumpran os requisitos de acceso que figuran no real decreto polo que se establece o curso de especialización. Só se aplicarán os criterios de prioridade no caso de que non haxa nos centros prazas suficientes para atender todas as solicitudes de ingreso.

As prazas serán adxudicadas aos solicitantes de cada cota que cumpran o requisito de acceso, ordenadas de maior a menor nota media da titulación. Empregarase a nota media que figura no título que dá acceso aos cursos de especialización. De non constar nota media do título, calcularase a nota media con dous decimais de todas as materias ou módulos que formen parte da titulación.

No caso de que exista empate entre varias persoas que soliciten un mesmo curso de especialización, e co obxectivo de favorecer o fomento das vocacións nas áreas con infrarrepresentación de mulleres ou homes, seleccionárase en virtude do sexo menos representado na familia profesional na matrícula de formación profesional do curso 2019-2020 en que se demande a praza de formación, segundo o disposto na seguinte táboa.

Familia profesional do curso de especialización	Sexo preferente en caso de empate
Electricidade e electrónica	Muller
Informática e comunicacións	Muller
Instalacións e mantemento	Muller
Química	Home

De persistir o empate, este resolverase atendendo ao publicado na Resolución do 26 de febreiro de 2020 da Dirección Xeral de Centros e Recursos Humanos pola que se fai público o resultado do sorteo a que fai referencia o artigo 29 da Orde do 12 de marzo de 2013.

Consonte o resultado do sorteo, serán as letras **T** e **G** as de prioridade que afectan ao primeiro apelido, e as letras **E** e **X** as que afecten o segundo apelido, para os efectos de resolución do desempate na orde de admisión do alumnado nos centros docentes sostidos con fondos públicos no curso 2020-2021.





## 5 Prazo de inscrición

---

O prazo de presentación de solicitudes de admisión de cursos de especialización de formación profesional para o curso 2020-2021 será do **25 de xuño ata as 13:00 horas do 8 de xullo**.

## 6 Presentación de solicitudes

---

Deberase cubrir unha única solicitude na que se poderá optar a dous cursos de especialización como máximo, utilizando o formulario dispoñible en [www.edu.xunta.es/fp](http://www.edu.xunta.es/fp). O impreso cuberto acompañado da documentación complementaria que corresponda, entregárase, preferentemente, no centro de primeira opción onde se oferte o curso de especialización para o que solicita admisión ou en calquera centro de Galicia con oferta de cursos de especialización sostida con fondos públicos.

De non ser posible a presentación, directamente ou mediante persoa autorizada, nun centro educativo con oferta de cursos de especialización, poderase presentar en sobre aberto en calquera oficina de Correos, para ser remitida por correo certificado co selo de Correos coa data de entrega, lugar, hora e nome da oficina (artigo 31 do Real decreto 1829/1999), e a persoa solicitante pedirá explicitamente que se fagan constar as circunstancias do envío, logo da comparación co documento de identidade, segundo o referido artigo. A solicitude irá dirixida ao centro onde se oferte o curso de especialización para o que solicita a admisión en primeira opción. A documentación presentada que non sexa orixinal deberá estar compulsada; tamén se deberá incluír unha copia simple do documento de identidade. Será necesario remitir, nos prazos de admisión, unha copia da documentación presentada e selada mediante correo electrónico ao centro ao que vaia dirixida a solicitude. Os enderezos electrónicos dos centros poden consultarse en:

<https://www.edu.xunta.es/centroseducativos/>

Para presentar a solicitude de inscrición para cursos de especialización hai que ter en conta o seguinte:

- Unicamente poderá presentar a solicitude de admisión quen cumpra os requisitos de acceso no momento da inscrición.
- Se a persoa solicitante presenta máis dunha solicitude, non se terá en conta ningunha petición.
- As persoas que participen no procedemento de admisión e matrícula para os cursos de especialización tamén poderán realizar a solicitude de admisión a ciclos formativos e a FP dual.
- As persoas admitidas (seleccionadas) para un curso de especialización quedarán excluídas do proceso de admisión a ciclos formativos no réxime ordinario, no réxime para as persoas adultas e en FP dual. No caso de non seren admitidas (seleccionadas) en ningún curso de especialización poderán continuar no proceso de admisión xeral a ciclos formativos.





- Estar matriculado/a en ESO, bacharelato ou FP (incluída a FCT) ou ter unha praza adxudicada de FP dual ou dun curso de especialización de FP, implica a exclusión dos procesos de admisión a ciclos formativos.

## 7 Documentación complementaria

---

Xunto coa solicitude será necesario entregar:

- Copia do pasaporte ou do documento de identificación da Unión Europea, cando non se dispoña de DNI ou NIE.
- No caso de non ter realizados os estudos que dan acceso no ámbito da Comunidade Autónoma de Galicia, ao abeiro da Lei orgánica 2/2006, do 3 de maio, de educación, certificación académica da titulación requirida para o acceso en que conste o expediente académico e o depósito do título.
- Para persoas que teñan recoñecida unha discapacidade, documento de acreditación de tal condición, no caso de que non fose recoñecida en Galicia ou cando a persoa solicitante non autorice a súa consulta.
- Para deportistas de alto rendemento, documento de acreditación da condición de deportista de alto rendemento.

## 8 Información e publicación de listaxes

---

Toda a información e a documentación do proceso de admisión a cursos de especialización estará dispoñible no enderezo web [www.edu.xunta.es/fp](http://www.edu.xunta.es/fp).

Nas datas establecidas, as relacións provisionais e definitivas de persoas solicitantes, así como a relación de persoas admitidas e en espera serán publicadas na páxina web de formación profesional. Así mesmo, os centros publicarán as súas listaxes no taboleiro de anuncios.

## 9 Prazo ordinario de presentación de solicitudes

---

As secretarías dos centros docentes, ademais de recoller as solicitudes para a admisión a ciclos formativos, enviarán os datos á Subdirección Xeral de Formación Profesional polo medio que esta dispoña, **do 25 de xuño ata as 14:00 horas do día 8 de xullo**.

## 10 Listaxe provisional de solicitudes e reclamacións

---

O **día 10 de xullo** publicaranse as relacións provisionais de persoas solicitantes para os cursos de especialización.

Establécese un **prazo de reclamacións** desde o **día 10 ás 9.00** ao **14 de xullo ás 13:00 horas**.







Os centros terán de prazo ata o día 14 de xullo ás 14:00 horas para enviaren os datos das solicitudes coas modificacións xurdidas das reclamacións á Subdirección Xeral de Formación Profesional por o medio que esta dispoña.

## 11 Listaxe definitiva de solicitudes

---

O día 17 de xullo publicaranse as relacións definitivas de persoas solicitantes para os cursos de especialización.

## 12 Adxudicación de prazas e matrícula

---

O día 17 de xullo publicarase a relación de persoas admitidas e en espera en cada curso de especialización. As persoas admitidas deberanse matricular ou renunciar no prazo abranguido desde o día 17 ao día 27 de xullo ás 13:00 horas. De non facelo perderán os dereitos sobre a matrícula das prazas adxudicadas.

No caso de que algunha persoa con praza adxudicada renuncie a ela ou non se matricule e nese curso de especialización haxa listaxe de espera o centro procederá a chamar as persoas que se atopen na lista de espera polo proceso de adxudicación continuada descrito nas instrucións xerais do proceso de admisión de FP.

## 13 Liberación de prazas

---

A Dirección Xeral de Educación, Formación Profesional e Innovación Educativa poderá liberar as prazas vacantes dos cursos de especialización ata o 30 de setembro ás 13:00 horas para o alumnado que acredite os requisitos de acceso.

A relación dos ciclos formativos coa condición de liberados e o número de prazas dispoñibles en cada un deles poderase consultar na páxina web de formación profesional.

## 14 Remate do procedemento de admisión e matrícula

---

O proceso de matriculación rematará en todo caso o día 9 de outubro. A partir desta data, non se producirá matriculación ningunha sen autorización expresa da Dirección Xeral de Educación, Formación Profesional e Innovación Educativa.



## 15 Número mínimo de solicitudes de matrícula

---

Consonte a normativa que regula a oferta formativa de ciclos de formación profesional, no caso de non acadarse o número mínimo de solicitudes de matrícula de primeira opción no período ordinario non se poderán realizar matrículas nin impartir o curso de especialización sen a autorización expresa da Dirección Xeral de Educación, Formación Profesional e Innovación Educativa.

## 16 Acceso mediante titulacións estranxeiras

---

Debido ás especiais características destas ensinanzas, para xustificar os requisitos de acceso só será válida a credencial definitiva de homologación. Para a adxudicación de prazas empregarase a nota media reflectida nela. No caso de non ter reflectida nota media na credencial definitiva de homologación consignaráselles unha nota de cinco puntos.



## 17 Normativa relacionada

---

- Real decreto 1147/2011, do 29 de xullo, polo que se establece a ordenación xeral da formación profesional do sistema educativo.
- Decreto 114/2010, do 1 de xullo, polo que se establece a ordenación xeral da formación profesional do sistema educativo de Galicia.
- Orde do 15 de xuño de 2016 pola que se regula o procedemento de admisión do alumnado nos centros docentes sostidos con fondos públicos para impartir ciclos formativos de formación profesional de grao medio e de grao superior en réxime ordinario e para persoas adultas.
- Orde do 17 de xuño d 2020 pola que se actualiza a oferta de formación profesional do sistema educativo, polo réxime ordinario, en centros públicos da Comunidade Autónoma de Galicia para o curso académico 2020-2021.
- Real decreto 478/2020, do 7 de abril, por el que se establece el Curso de especialización en ciberseguridad en entornos de las tecnologías de operación y se fijan los aspectos básicos del currículo.
- Real decreto 479/2020, do 7 de abril, por el que se establece el Curso de especialización en ciberseguridad en entornos de las tecnologías de la información y se fijan los aspectos básicos del currículo.
- Real decreto 480/2020, do 7 de abril, por el que se establece el Curso de especialización en digitalización del mantenimiento industrial y se fijan los aspectos básicos del currículo.
- Real decreto 481/2020, do 7 de abril, por el que se establece el Curso de especialización en fabricación inteligente y se fijan los aspectos básicos del currículo, y se modifican el Real Decreto 93/2019, de 1 de marzo, y el Real Decreto 94/2019, de 1 de marzo, por los que se establecen dos cursos de especialización y los aspectos básicos del currículo.
- Real decreto 93/2019, 1 de marzo, por el que se establece el Curso de especialización en cultivos celulares y se fijan los aspectos básicos del currículo, y se modifica el Real Decreto 74/2018, de 19 de febrero, por el que se establece el título de Técnico en montaje de estructuras e instalación de sistemas aeronáuticos y se fijan los aspectos básicos del currículo.

